

漢書人表考
考補附錄
三





漢書人表考

補考 附錄

(三)

梁玉繩撰

叢書集成

初編

主編者
王雲五

商務印書館發行

漢書人表考卷五

中中

昌若。相土子。

昌若、相土子。始見史殷紀、世表。

根圉。昌若子。

案禮祭法疏引世本云昌若生遭圉。遭圉生根國。根國生冥。故劉氏外紀曰昌若卒子曹圉

立卒子根國立卒子冥立。乃史殷紀、世表謂昌若子曹圉曹圉子冥。缺根國一代。而此表又誤合兩代爲一。魯語上韋注亦誤仍之也。曹蓋遭之省。殷紀索隱引世本作根圉。譌。

有仍君。師古曰。仍音仍。

有仍始見左哀元、史吳世家。仍。仍蓋古通。有仍國名。緡姓。世家集解引賈逵注。而路史後紀七及十四國名紀一二謂仍太昊後緡少昊後分爲二國。妄也。

武羅。

柏因。

熊髡。

廙圉。師古曰。武羅以下四人。皆羿之賢臣也。廙音尤。

四人始見左襄四。皆羿之賢臣。杜注。因又作姻。史夏紀正義引世紀。廙本作尤。襄四又作龍。潛夫五德志文。

遷晉桓溫薦譙秀表注引左同。

案路史國名紀六謂武、龐皆國名。以熊髡爲舜友。雄陶之後不可信也。

虞后氏。虞思始見哀元。舜後虞君也。杜注。亦曰虞公。竹書。

杼。少康子。師古曰。杼音大呂反。杼始見襄四。魯語上。少康子始見史夏紀。杼又作子。史夏紀。世表。又作宁。史索隱。又作佇。索隱引世本。又

作仔。墨子。非儒。又作輿。初學記。武部引世本。故曰后杼。襄四。亦曰季杼。左哀元。而路史後紀十四國名紀四。謂季杼是少康庶子。爲越無余。妄也。亦曰伯子杼。竹書。亦曰伯杼。竹書。

注。路史後紀。亦曰后子。路史注。引世紀。亦曰松曼。長頸鳥喙。路史。卽位居原。自原遷老丘。竹書。在位十七年。竹書外紀。通志。而路史作二十七。

槐。杼子。槐子子始見史夏紀。亦曰芬。竹書及左昭廿九疏。引世紀。索隱引世本。亦曰芬發。竹書注。亦曰祖武。亦曰魁。外紀。路史後紀十四。在位四十

四年。竹書。而外紀。通志。路史作二十。六。路史注引世紀作二十八。

報丁。微子。

報乙。

報丙。

主壬。

主癸。

報丁以下。並始見史殷紀。世表。主癸始見魯語上。案商以生日名子。元不嫌于複。而此三報二

主。通志謂是弟兄之名。以史稱父子為過。所論甚愜。表自微子。報丁外。皆不言誰子。蓋亦疑而缺之也。

慶節。公劉子。

慶節。公劉子。始見史周紀。世表。案。鬻子數始篇。湯治天下。得慶輔。伊尹。慶節。政當湯時。疑

是一人。

伯邑考。文王子。

伯邑考。始見檀弓上。文王子。始見史管蔡世家。亦曰邑考。逸書世紂烹為羹。史殷紀正義引世紀。通志以為誕語也。

楚熊麗。

鬻熊子。師古曰。鬻讀與粥同。○依毛馬本。各本脫熊字。

熊麗。鬻熊子。始見史楚世家。案商頌荆楚傳云。荊州之楚國也。春秋

僖元年以前皆書荆。後皆書楚。注疏謂爾時始改號楚。考史表為楚成王十三年。豈初封本號荆。經史皆

據後稱之耶。

虞侯。

芮侯。

師古曰。二國訟田質于文王者。

虞。芮。始見詩緝篇。二君葬解州平陸縣西五十里閒田東南隅。一統志。案。虞乃舜後國。

芮。不知所始。皆非姬姓之虞。芮也。此以二君為侯爵。亦未識何據。

吳周章。中雍曾孫。周章始見史吳世家。仲雍卒。子季簡立。卒。子叔達立。卒。子周章立。世家。葬蘇州常熟縣海虞山

東嶺上。一統志。

杜伯。杜始見左襄廿四。晉語八。宣王時杜伯是其後。故此云杜伯。武王之世。國名伯爵。豕韋自商末改國于唐。周成王滅

唐。遷之杜。爲杜伯。左杜注。周語上。晉語章注。

楚熊狂。麗子。熊麗生熊狂。始見史楚世家。

虞中。周章弟。虞仲。周章弟。始見史吳世家。周武王封爲虞公。本書地理志。

杞東樓公。禹後。杞東樓公。禹後。始見史杞世家。亦曰夏公。周書王會。案。史言武王求禹後。得東樓公。封之杞。然

考大戴禮少閒。文選晉張俊爲謝詢求置諸孫守冢人表。皆言湯封之。史漢述酈生之言。亦云。湯伐桀。封其後于杞。則是武王特因其舊封而重命之。故梅福傳曰。武王克殷。紹夏于杞也。東樓公生西樓公。蓋並以所居爲號。杞邑有牟婁。見隱四春秋。豈取諸此歟。路史後紀十四謂杞後析于曹東之婁。是爲東樓。恐非。

邾侯。武王子。

韓侯。武王子。

邾、韓、武之穆始見左僖廿四。

齊丁公伋。師尚父子。

齊丁公始見左昭三。伋始見書顧命。師尚父子始見史齊世家。伋又作級。左昭十二。又作汲。昭十

二釋文、詩齊風譜疏。又作及。世家集解。丁又作玘。說文。亦曰呂級。昭十二、史楚世家作呂伋。亦曰齊侯呂伋。顧命。亦曰丁公呂伋。史世表、世家。案玘乃玉

聲。說文恐非。諡法述義不克曰丁。呂伋賢嗣何以蒙此不韙之名乎。通志氏族略四云。諡法雖始有周。是時諸侯猶未徧及。齊五世稱諡。則知丁公者長第之次也。漁仲說是。杞、宋、曹、蔡四世未稱諡。衛亦五世方稱諡。而宋並有丁公。可驗已。

魯公伯禽。周公子。

魯公始見詩閟宮。伯禽始見禮文王世子。魯公伯禽始見禮曾子問。周公子始見史魯

世家。亦曰禽父。左昭十二。亦曰魯侯禽父。唐費誓序、竹書。在位四十六年。本書律曆志。葬曲阜南七里。寰宇記二十一。案周公有諡。禽

父何以不諡。而賢如禽父。亦不應屈居第五。

凡伯。周公子。

凡、蔣、邢、茅、胙、祭。周公之胤始見左僖廿四。凡國伯爵。左隱七注。

蔣侯周公子

名伯齡唐書蔣氏表、通志氏男爵、後以功侯、路史而國名紀五、又云初伯後侯、族略二路史後紀十

邢侯周公子

名靖淵路史後紀十、又方輿紀要以為名荏、未知何出

茅侯周公子

茅又作茆潛夫五德志

胙侯周公子

胙又作祚潛夫五德志

祭侯周公子、師古曰、祭音側介反

祭又作鄒穆天子傳、說文

案經傳祭有祭公、祭伯、未見有稱侯者、蓋初為侯爵、其後本封絕

滅、食采畿內、降而為伯、若公則其官也、六人之次、此依僖廿四傳、通志略因謂凡第二至祭第七、然襄十二傳又以邢居凡先、疑富辰亦是錯舉、未可定長幼之序、況元子伯禽封魯、次子君陳世守采地、安得稱周公第二子凡伯耶、至路史以凡、蔣、邢、祭、胙、茅為次、尤不足據、

晉侯燮虞子

晉侯燮始見史世表、楚世家、唐叔虞子始見晉世家、唐有晉水、燮改為晉、

詩曹風諸本、書地理志

亦曰燮

父左昭葬太原縣東南一統志

秦旁皋女防子

旁皋始見史秦紀、世表、女防生旁皋始見秦紀。

楚熊艾子、釋

熊繹生熊艾始見楚世家艾又作父史世表

宋微中子、啓

微仲始見孟子名衍檀弓上

又名泄字仲思家語本姓解

亦曰中衍呂氏春秋當務

案呂氏春秋以仲爲微子

同母弟史記家語、書、詩疏俱仍之然恐未確閻氏四書釋地續辨之云微子長子應曰微伯蚤卒次子微仲卽後國于宋者周禮適子死立適孫微子從其故殷之禮舍長子之子肅而立次子衍與子服伯子引以況公儀仲子者昭合證一人表于微子下注曰紂兄宋微中下注曰啓子證二啓既帝乙之元子衍果屬次子王畿豈少閒士斷無兄弟並封一國之理證三

此條似欠的微子疏云弟亦稱微猶春秋之世虞公之弟稱虞叔祭公之弟稱祭叔

則知微仲子襲

父氏上有伯兄字降而次明包爾庚時文亦云微仲者微子之次子無國邑而稱微從父爵也又云啓爲長兄分稱元子仲爲支庶屬則王孫不覺擊節因考包閻所論俱本宋蘇轍古史古史曰微子卒世子蚤死立世子之弟微仲衍自注世以仲爲微子之弟失之

蓋以人表爲據

通鑑外紀於周紀稱衍乃啓子引檀弓爲

驗謂史記誤而商紀依呂氏春秋未免岐見獨毛氏經問十二力主是弟非子之說殊不足信二微雖遷爵易位終身不去微之號其忠甚盛故孟子以爲賢人表置在五等屈矣

或謂表有兩微仲前爲微子之弟此爲微子之子亦通

魯考公。伯禽子。依明監本。殿本馬本。他本譌孝公。考公始見史世表、魯世家。左文十六疏。毛本作書公。譌。伯禽子始見世家。名禽。世家、本書律厯志。又名就。

史索隱引世本及律厯志。又作適。索隱引郟本。在位四年。世家、律厯志。

齊乙公。丁公子。乙公始見世表、齊世家。丁公子始見世家。唐書崔氏世系表謂丁公嫡子季子讓國叔乙與史異。名得。世家。

晉武公。變子。武侯始見世表、晉世家。變子始見世家。名寧族。世家、而毛本族作旅。又作曼期。又作曼旗。史索隱引世本及譌周。案。

表中書爵多異。左桓十七疏曰。五等諸侯。卒則各書其爵。葬則舉諡稱公。禮之常也。但表于後第七稱武侯。是公乃侯之誤。

秦大几。旁皋子。大几始見世表。旁皋生太几。始見秦紀。紀作太。

魯煬公。考公子。師古曰。煬音式尙反。○依釋史本。各本譌孝公。煬公始見世表、魯世家。名熙。世家、本書律厯志。又作怡。史索隱。在位六年。世家、而律厯志作二十四年。又

引世家作十六年。並非。案。世家謂煬是考弟。考左定元年注。伯禽子。律厯志謂考公及煬公。師古曰。及者兄弟相及。

非子繼父。則此作子誤也。又世家集解引世本云。煬公徙魯。疑徙奄之譌。辨見史記志疑十八。

齊癸公。乙公子。依釋史本。各本譌作乙子。

癸公始見世表。齊世家。乙公子始見世家。名慈母。世又作廝公。史索隱引世本。而檀弓上引作廝。又

作祭公。索隱本。又作祭公慈。索隱本引譌周各史本譌作慈心。而祭疑癸之誤。

秦大雒。大几子。依釋史本。各本几譌乙。大駱始見秦紀。世表。雒駱古通。詩秦風。太几生大駱。始見秦紀。

楚熊盤。艾子。錢宮詹漢書考異曰。楚世家熊艾生熊黜。熊黜生熊勝。表所載熊盤。即世家之熊勝也。世家

以爲艾孫。表以爲艾子。皆異。

衛嗣伯。孝伯子。

衛建。嗣伯子。嗣伯。孝伯子。康伯。嗣伯子。始見世表。衛世家。世表作康同。集韻從之。康又作憲。類篇。又作摯。索隱引世本。案此及

詩邶風譜疏引世家作建。疑誤也。又脫伯字。嗣與康諡法所無。當是其名。然前之孝伯已有諡。不應二伯獨缺。蓋史先失之。

秦非子。大雒子。非子始見秦紀。世表。大駱生非子。始見秦紀。非又作扉。路史後紀七注。居犬丘。周孝王邑之秦。使續

嬴氏祀號曰秦嬴。秦紀案非子始封秦則前之稱秦是追加之。

秦嬴。非子案嬴卽非子此乃重出誤分爲父子也。

秦侯。嬴子秦侯始見秦紀世表。釋史本誤作秦伯秦嬴生秦侯始見秦紀立十年。秦紀

史伯。錢塘張孝廉雲璈曰鄭語史伯表列宣王時第四此厲王之世未聞有史伯其人蓋公伯之譌秦紀秦侯生公伯立三年卒生秦仲表無公伯而後秦中注云伯子則此誤無疑東觀餘論以爲羨文非也。

宋父。何子宋父始見詩商頌疏引世本以爲弗甫何生宋父也。家語本姓

秦中。伯子秦仲始見詩車鄰序鄭語公伯生秦仲始見秦紀亦曰大夫仲。竹書立二十三年死於戎。秦紀十

魯武公。慎公弟魯武公始見周語上慎公弟始見魯世家名敖。左桓六晉語九亦單稱武。左在位十年。史十二侯表而世家作九年本書律

厥志作二年並誤。

秦嚴公。仲子秦莊公秦仲子始見史秦紀十二侯表。鄭語稱秦景注云景當爲莊索隱本謂名其亦非立四十四年。紀表案秦至襄公始

國據春秋是伯爵。襄公之先爲附庸爲大夫。何以有公侯伯之稱。詩譜疏謂莊公蓋追諡。豈秦侯公伯亦追諡耶。疑僭稱耳。

楚熊霜。嚴子依釋史本。各本譌熊霜。楚熊霜、熊嚴子。始見十二侯表。楚世家亦曰伯霜。鄭語。亦曰楚子霜。竹書。立六年。侯表世家。

宋世子士。世子士始見此。宋父周生世子勝。家語本姓。孝經疏。亦曰世子。潛夫志。亦曰世父勝。唐書世系表。案世子

名勝。獨此作士。豈有兩名耶。表必本于世本。而商頌疏引世本宋父生考父。無勝一代。當是脫誤。蔡夷侯。案夷侯已見前第七。此重出。

奄父。造父六世孫。造父六世至奄父曰公仲。始見史趙世家。

鄭桓公友。周宣王弟。依釋史本。各本無注。桓公始見鄭語。鄭桓公友始見十二侯表。鄭世家。周宣王母弟始見侯表。本書地理志。鄭

詩譜同。而世家作庶弟。誤。鄭始封之君。章注。伯爵。左隱元疏。亦曰王子多父。亦曰鄭伯多父。竹書。蓋友之字。徐氏統箋謂古友字作爰。與多相近。疑多爲譌。非也。亦曰桓友。文選

西征賦。在位三十六年。爲犬戎所殺。侯表世家。

秦襄公。嚴公襄公始見詩駉職諸序。莊公子始見秦紀。周平王封爲諸侯。十二年卒。秦紀。十二侯表。

文子。文子始見文子書。唐天寶元年。號爲通玄真人。

舊唐書玄宗紀。禮儀志。

元至元三年。加封通玄光暢昇元敏秀

真君。元史順帝紀。

案。文子不傳其名字。本書藝文志。但云老子弟子。通考二百十一載。魏李暹。唐徐靈府。文子

注。謂卽辛文子計然。非也。

宋陳振孫書錄解題。因疑計然之字。文子不可信。

志又云。文子與孔子同時。而稱周平王問。似依託者。然則

表何以列文子在幽平之間乎。宜敍于老子後方合。困學紀聞十辨。文子非周平王時人。宋晁公武郡齋

讀書志言三代之書。經秦火錯亂。類如此。是皆仍藝文志之誤。檢文子道德篇。平王問一條。無周字。末云。

寡人敬聞命。其非周王甚審。通考引周氏涉筆。以爲楚平王。極確。

七仁篇有王良。更足驗爲楚平王時人。

班氏所見之文子。或是

誤本。遂疑文子書有依託。而于此表仍列周平時。蓋疑以傳疑之意也。

辛有。辛有始見左僖廿二。昭十五。案。辛有疑辛甲之後。說見第三。

宋大金。考父子。

木金父始見詩商頌。左。穀。桓元二疏。引世本。亦曰木金。

禮儒行疏。

亦曰金父。

家語本姓。唐表七十五下。

世子生正

考父。正考父生孔父嘉。嘉生木金父。木金父生祁父。祁父生防叔。

世本。潛夫志氏姓。祁父家語作畢夷。左昭七及孝經疏作畢夷父。唐表又作畢夷父也。

雍正

元年。追封孔子五世祖木金父肇聖王。高祖祁父裕聖王。

闕里文獻考。祀典一。

案。大字疑當作木。表缺祁父一代。又

世次倒舛說在卷三孔父下

臧釐伯。臧僖伯始見左隱五。即公子彊。春秋字子臧。杜世族譜。魯孝公子。禮器及左隱五、莊廿八疏引世本。加臧于僖伯之上。傳

家追言之。隱五疏。

石碯。師古曰。碯音子若反。石碯惟見左隱三。又作碯。隸釋漢公羊石經。靖伯孫。杜世族譜。亦曰石子。左隱四。案潛夫志氏姓云。衛之公

族石氏。不詳命氏所始。通志略三謂以字爲氏。路史國名紀五謂邑名。未知孰是。

楚武王。蚤冒弟。楚武王始見左桓六。蚤冒弟始見史楚世家。左文十六注以名熊達。左桓二、文十六、宣十二、昭廿二疏及釋文、本書地理志、困學紀聞十

一引史、淮南主術注。而今本史記傳誤作熊通。始僭號稱王。左桓二、莊四注。世表世家。在位五十一年。史十二侯葬汝南桐陽縣葛陂鄉東北。水經汝水注及

世家集解、續郡國志、御覽五百六十引皇覽。

鄧曼。楚武王夫人。鄧曼、楚武王夫人。始見左桓十三。生文王。周語中注。亦曰楚曼。周語。亦曰曼姬。史司馬相如傳。稱姬非也。

魯施父。施父始見左桓九。魯惠公之子公子尾字施父。其子因以爲氏。通志氏族略三。

鬬伯比。鬬伯比始見左桓六。令尹子文之父。杜注。楚若敖娶於邲。生伯比。左宣四。若敖名熊儀。其先無字鬬

者。必邑也。通志略三。

熊率且比。師古曰。率音力出反。且音子余反。熊率且比。惟見桓六。熊率氏。芊姓。通志氏族略五。

鄭祭足。鄭祭足始見左隱三。即祭仲。始見詩將仲子序。隱元傳。桓十一經。又作蔡仲。易林既濟之鼎。亦曰仲子。詩序。亦曰祭仲足。桓五。亦曰

祭封人仲足。桓十。祭、鄭地。陳留長垣縣東北有祭城。封人守封疆者。因以所守爲氏。桓十一注。名仲。字足。桓五注。依釋文本。

葬密縣邢山。晉書杜預傳。水經。潁水注作陘山。

楚文王。武王子。楚文王始見左莊六。武王子始見史楚世家。亦稱荆文王。呂氏春秋真諫。亦曰荆文。楚辭七諫。名熊貲。世家。而十

二侯表單稱貲。淮南說山注作熊庇。主術注作熊庇。古貲與貲同。故又通庇字。庇蓋庇之譌。在位十三年。始都郢。侯表。世家。十八。案。本書地理志從史記。文王

徙郢。而左桓二疏引杜譜依世本。謂武王徙郢。高氏春秋地名考略云。左傳沈尹戌曰。若敖蚡冒。至于武。文。猶不城郢。則居郢并不始武王。疑數世經營。至武。文始定耳。